



**KETUA PENGARAH KESIHATAN MALAYSIA  
DIRECTOR GENERAL OF HEALTH MALAYSIA**

Kementerian Kesihatan Malaysia,  
Aras 12, Blok E7, Parcel E,  
Pusat Pentadbiran Kerajaan  
Persekutuan,  
62590 Putrajaya

Tel : 603-8883 2545  
Faks : 603-8889 5542  
E-mail : hasar@moh.gov.my

**KENYATAAN AKHBAR  
KETUA PENGARAH KESIHATAN MALAYSIA**

**SITUASI SEMASA DEMAM DENGGI DI MALAYSIA**

Bagi Minggu 2/2012 (8 hingga 14 Januari 2011)

Pada minggu kedua tahun 2012 iaitu bagi tempoh 8 hingga 14 Januari, sejumlah 481 kes demam denggi dengan satu (1) kematian telah dilaporkan, meningkat sebanyak 41 kes (9%) berbanding 440 kes dengan satu (1) kematian pada minggu sebelumnya (Lampiran A). Terdapat sembilan (9) buah negeri menunjukkan peningkatan kes berbanding minggu sebelumnya iaitu WP Kuala Lumpur & Putrajaya yang meningkat sebanyak 11 kes (31%), Kedah 9 kes (69%), Sabah 8 kes (200%), Sarawak 7 kes (70%), Selangor 7 kes (3%), Pahang 5 kes (39%), Perak 5 kes (15%), Perlis 3 kes (150%) dan Johor meningkat sebanyak 2 kes (5%). Negeri Kedah, Perak, Selangor, WP Kuala Lumpur & Putrajaya, Pahang dan Johor telah menunjukkan peningkatan kes untuk dua (2) minggu berturut-turut.

Hasil pemantauan KKM terhadap negeri-negeri yang berlaku peningkatan kes juga menunjukkan kadar pemberian Aedesnya melebihi 1% iaitu Perlis (7.1%), WP Kuala Lumpur & Putrajaya (1.7%), Pulau Pinang (1.8%), Selangor (1.5%), Negeri Sembilan (1.2%), Kedah (2.4%) dan Sabah (1.5%). Keadaan ini menunjukkan masih terdapat kawasan-kawasan yang tidak bersih sehingga menyebabkan nyamuk Aedes membiak. Masalah ini mungkin ditambahkan lagi dengan faktor

cuaca yang tidak menentu dengan hujan yang turun dikebanyakkan kawasan di seluruh negara. Air hujan yang bertakung di dalam bekas-bekas yang terbiar di kawasan persekitaran rumah boleh menjadi tempat pembiakan Aedes. Oleh itu adalah penting untuk masyarakat sentiasa membersihkan kawasan kediaman dari sebarang bekas-bekas yang terbuang dan terbiar itu.

Pada minggu lepas, kematian demam denggi dilaporkan dari Selangor melibatkan seorang wanita berusia 50 tahun yang bertugas sebagai pembantu jururawat di sebuah pusat perubatan swasta. Beliau telah mendapatkan rawatan akibat demam sebanyak dua (2) kali berturut-turut di pusat rawatan tempat beliau bekerja sebelum dimasukkan ke wad pusat perubatan berkenaan. Walau bagaimanapun, beliau meninggal dunia keesokan harinya di Unit Rawatan Rapi (ICU) hospital berkenaan akibat komplikasi *Dengue Shock Syndrome*. Pihak Kesihatan telah menjalankan aktiviti kawalan dan pencegahan di tempat tinggal pesakit dan memberi nasihat secara individu kepada penduduk sekitar kawasan berkenaan supaya sentiasa mementingkan kebersihan dan meluangkan masa selama 10 minit memeriksa dan memusnahkan tempat pembiakan Aedes.

Sejumlah 71 lokaliti wabak denggi di 14 buah daerah dipantau di seluruh negara, meningkat 21 berbanding 50 lokaliti pada minggu sebelumnya. Terdapat tiga (3) lokaliti *hot spots* dikenalpasti pada minggu ini yang melibatkan 26 kes demam denggi. Dua (2) lokaliti *hot spots* di WP Kuala Lumpur iaitu Taman Gembira D (Jalan Riang 1- 8) di zon Klang Lama dan Taman Miharja Fasa 2 di zon Cheras manakala Apartment Taman Seri Kenari di daerah Hulu Langat, Selangor (Lampiran B). Sepanjang minggu lepas juga, sebanyak 61,586 premis

telah diperiksa dengan 750 premis didapati terdapat pembiakan Aedes di seluruh negara.

Kementerian Kesihatan memandang serius kepada peningkatan kes yang berlaku ketika ini dan menjelang cuti perayaan yang akan bermula pada minggu hadapan, di mana pergerakan orang ramai semasa pulang bercuti dan mengunjungi sanak saudara. Dengan ini, orang ramai dinasihatkan untuk memastikan tempat kediaman masing-masing bebas dari tempat pembiakan Aedes dan tidak menyebarkan demam denggi. Dengan meluangkan masa selama 10 minit untuk memeriksa persekitaran rumah akan dapat membantu menghalang penyebaran penyakit ini.

**DATO' SRI DR HASAN ABDUL RAHMAN**

Ketua Pengarah Kesihatan Malaysia

16 Januari 2012

**KES DENGGI DILAPORKAN PADA MINGGU 2/2012**  
**(8 hingga 14 Januari 2012)**

Bil.	Negeri	Bilangan Kes dan Kematian di laporkan		Jumlah Terkumpul kes denggi sehingga minggu 2/2012	Jumlah Terkumpul kes denggi sehingga minggu 2/2011
		Minggu 2 (8 – 14 Jan 2012)	Minggu 1 (1 – 7 Jan 2012)		
1	Perlis	5	2	7	9
2	Kedah	22	13	35	26
3	P. Pinang	16	20	36	88
4	Perak	39	34	73	61
5	Selangor	219 (1)	212 (1)	431 (2)	376
6	WPKL & Putrajaya	46	35	81	72
7	N. Sembilan	8	8	16	15
8	Melaka	12	15	27	40
9	Johor	39	37	76	110
10	Pahang	18	13	31	66
11	Terengganu	10	17	27	60 (1)
12	Kelantan	18	19	37	51
13	Sarawak	17	10	27	96
14	Sabah	12	4	16	34
15	WP Labuan	0	1	1	2
	<b>MALAYSIA</b>	<b>440 (1)</b>	<b>440 (1)</b>	<b>921 (2)</b>	<b>1,106 (1)</b>

Nota: ( ) Kematian

**SENARAI LOKALITI *HOT SPOTS* DILAPORKAN SEHINGGA MINGGU 2  
BAGI TAHUN 2012**

Bil	Negeri	Daerah/Zon/ PBT	Lokaliti	Jumlah Kes	Tempoh Wabak Berlaku (Hari)
1	SELANGOR	Hulu Langat	Apartment Taman Sri Kenari	5	35
2	WPKL	Klang Lama	Taman gembira D (Jalan Riang 1-8)	13	37
3	WPKL	Cheras	Taman Miharja Fasa 2	8	31